

Durashon dje saminashon

E saminashon por dura di 20 – 60 minút.

Bo ta keda bo so den kamber, pero e laborant tin bista konstantemente riba bo pa medio di un kámara. Tambe por papia ku e laborant via di un interkom.

Durante e saminashon e aparato ta produsí un zonido duru. Pa redusí e zonido aki bo ta haña un 'headphone' of 'earplug' pa tapa bo orecanan. Tambe bo ta haña un bèl di emergensia den kaso bo kier avisá e laborant pa stòp e saminashon pa un òf otro motibu.

E radiólogo ta kontrolá e potrètnan. Despues e ta traha un rapòrt di e resultadonan di e saminashon i ta pone bo spesialista na altura di esaki.

Pregunta?

Si bo tin pregunta ainda despues di a lesa e foyeto aki, hasi esaki libremente na e laborant ku ta yudabo.

Bo sita pa e saminashon di MRI ta:

Dia:

Fecha:

Ora:

Si akaso bo no por presentá segun bo sita, notifiká nos l (un) dia delantá na telefon:
462-4807 òf 462-3198

Lista di pregunta:

Pa motibu di e kampo magnetisá, nos kier a hasi algun pregunta. Si akaso bo kontesta un pregunta ku 'Si', por favor tuma kontakto ku departamentu di radiologia.




Bo tin: No Si

• kloustrofobia		
• un pacemaker of protésis di klep di kurason		
• aneurysmaclips den ader di kabes		
• of tabata tin splenter di metal den wowo		
• implanta di metal den kurpa of protésis di orea of wowo		
• splenter di metal den otro parti di kurpa		
• un pòmmp di hydrosefalia of un pòmmp di insulina		
Bo ta na estado?		
Kuantu bo ta pisa?	kg	

Saminashon di MRI

Informashon pa pashènt

Papiamentu



FOUNDED IN 1853
St. Elisabeth Hospital

Hòspital St. Elisabeth

januari 2012

Saminashon di MRI

Bo spesialisista a mandabo departamentu di Radiologia di nos hòspital pa hasi un saminashon di MRI, ku ta nifiká Imágen Resonansia Magnétiko (Magnetic Resonance Imaging). E ta un saminashon relativamente nobo kaminda un kampo fuertemente magnetisá ta produsí señalnan den bo kurpa.

Un antèna ta kapta e señalnan aki i ta mandánan pa un kòmputer.

E kòmputer ta prosesá e señalnan i ta traha un imágen di e parti konserní di bo kurpa. E kampo magnetisá no ta malu pa salú di hende.

No ta tur hende por hasi e saminashon di MRI

- Pashènt ku pacemaker no por hasi un saminashon di MRI, pasobra e kampo magnetisá por bruha funshonamentu di e pacemaker.
- Pashènt ku pida metal chikitu den wowo, tampoko no por hasi un saminashon di MRI.

Hendenan ku ta las òf otro persona ku ta traha ku metal tin mas chèns di tin e problema aki.

Tin chèns ku pa diferente motibu e siguiente personanan no por hasi e saminashon di MRI:

- Pashènt ku sierto implante médiko manera prótesis ortopédiko, plancha di dentadura ku metal òf clipnan vaskular espesialmente esnan di mas ku 10 aña bieu
- Pashènt ku ophetonan straño den nan kurpa, manera splinter di metal, bala di hagel òf bala di arma di kandela

Den kada kaso lo evaluá si e pashènt por hasi e saminashon di MRI.

Preparashon

Pa e saminashon di MRI no tin preparashon spesial. No tin mester di ta na yuna. Bo por kome i bebe normalmente. Si ta hasi un saminashon di MRI di kabes, ta mihó no usa hairspray ni maku-up. Nan por kontené supstansianan di metal. Si ta hasi MRCP, mester tin 4 ora na juna.

Pa motibu di e kampo magnetisá, no ta permití pa drenta ku ningun opheto ku ta kontené metal, den e kamber kaminda e aparato di MRI ta. Por ehèmpel no tin mag di drenta ku karchi di banko, telefon selular, prenda, yabi, plaka larga i artikulonan pa wanta kabei.

Tambe mester kita plancha di djente ku ta kontené metal, aparato pa tende i brel.

E saminashon

E scanner di MRI ta un aparato grandi ku un tunel horizontal habri na kada banda, ku lus. Pa e saminashon e laborant ta kologá un antena na e parti di e kurpa konserní *. Lo pidi bo pa drumi riba e mesa ku ta subi i hala bai den e tunel di MRI. Den e tunel lo hasi grabashon di e parti di kurpa ku tin ku eksaminá.

*(por ehèmpel na kabes, rudia, skouder, barika, pechu òf pia)

Una bes den e MRI, ta hopi importante pa bo keda hopi ketu drumi. Si bo move, e imágennan ta faya i mester ripiti e tèst. Tur esaki ta pone ku e saminashon lo dura mas largu. Por sosodé ku e laborant promé òf durante e saminashon, ta pasabo un angua ku líkido di kontraste den un ader di bo brasa.

Ta permití un otro persona pa keda ku personanan nervioso òf muchanan chikitu durante e saminashon. Personanan ku ta sufri di kloustrofobia – kier men ku nan ta ansha den lugánan chikitu – mester avisá nan spesialisista promé ku nan bai hasi e saminashon di MRI.

IMPORTANTE

Sin e karta di garantia di bo seguro, e saminashon di MRI no por wordu hasi. Si akaso bo no tin esaki, nos lo traha un sita nobo.